

ՆԵՐՍԵՍ ԹՈՎՄԱՍՅԱՆ

1930 թ. նոյեմբերի 17-ին մեղանից հեռացավ գիտության անխոնջ մշակ, տնտեսագիտության դոկտոր, պրոֆեսոր, վաստակաշատ դասախոս Ներսես Խաֆայելի Թովմասյանը։ Ն. Թովմասյանը ծնվել է 1910 թ. Վտնի նահանգի Հայաձորի շրջանի Հայք գյուղում, ճակատագրի ունեցող մատուր իր երկու երեխաներով փրկվում է 1915 թ. հղեոնից և ապաստանում Երևանում։ Ներսեսը նախնական կրթությունը ստանում է մանկատանը, ապա, ավարտելով Արևիկյանի անվան միջնակարգ դպրոցը, անցնում է մանկավարժական աշխատանքի։ Մանկավարժությունը, հավանաբար, նրա բնական կոչումն էր. ողջ կյանքում մինչև ծերություն։



Թովմասյանը կրթել ու դաստիարակել է յադմաթիվ աշակերտներ, ուսանողներ ու ասպիրանտներ։ Սովորել ու սովորեցնել՝ այս է հղել նրա դիտական ու գործնական կյանքի բովանդակությունը։

1937 թ. ավարտելով Երևանի պետական համալսարանի տնտեսագիտական ֆակուլտետը, Թովմասյանը մնում է համալսարանում՝ որպես վիճակագրության առարկայի դասախոս։ Հայրենական պատերազմի տարիներին մեկնում է ռազմաճակատ։ 1945—1947 թթ. աշխատում է հանրապետության Ֆինանսների մինիստրությունում, միաժամանակ Ֆինանսական տեխնիկումում վարում վիճակագրության տեսության և պետական բյուջեի դասընթացները։ 1947 թ.

Ն. Թովմասյանը ընդունվում է ասպիրանտուրա՝ Երևանի պետական համալսարանի քաղաքատնտեսության ամբիոնում և 1951 թ. պաշտպանում ռեզոլյուտիայի ժողովրդական տնտեսության սոցիալիստական վերակառուցումը թեկնածուական դիսերտացիան։ Այդ ընթացքում քաղաքատնտեսության առարկային ղուգահեռ վարում է տնտեսագիտական մտքի պատմության դասընթացը։

1963 թ. Ն. Թովմասյանը ընտրվում է Երևանի պետական համալսարանի տնտեսագիտական ֆակուլտետի դեկան և այդ պաշտոնում աշխատում մինչև 1966 թ.։ Նրա շնորհիվ համալսարանում կազմակերպվում են առևտրի և ապրանքագիտության տնտեսագիտական նոր ֆակուլտետ, տնտեսագիտական կիբեռնետիկայի բաժին՝ համապատասխան ամբիոններով հանդերձ։ 1966 թ. Ն. Թովմասյանը փոխադրվում է ՀՀՍՀ ԳԱ տնտեսագիտության ինստիտուտ՝ սկզբում որպես դիտական գծով դիրեկտորի տեղակալ, ապա՝ տնտեսագիտական մտքի պատմության բաժնի վարիչ։

Ն. Թովմասյանի մանկավարժական գործունեությունը հազեցված է բեղմնավոր գիտական ուսումնասիրություններով։ Նրա գրչին է պատկանում «Տնտեսագիտական ուսմունքների պատմություն» հայերեն առաջին աղբյուրագիտական ծավալուն ուսումնական ձեռնարկը (1965), որն առ այսօր ուսանողների և ասպիրանտների սեղանի գիրքն է։ 1963 թ. դրած «Արգի հակամարտության քաղաքատնտեսության քննադատության ուրվագծեր» ծավալուն մենագրությունը ուսանողության համար մեծ շահերով դյուրացնում է առարկայի այդ բաժինների յուրացումը։ Ժամանակակից բուրժուական տնտեսագիտական հոսանքների ուսումնասիրությունը Թովմասյանի գիտական հետաքրքրությունների կարևոր բնագավառներից է, որին նա նվիրել է երեք աշխատություն՝ «Աշխատավարձի ժամանակակից բուրժուական տեսությունների ուսմունքները» (1955), «Մանրբուրժուական տնտեսագիտության քննադատության ուրվագծեր»

(1961), «Ժամանակակից բուրժուական ռեֆորմատորական քաղաքատնտեսության հիմնական ուղղությունների քննադատությունը» (1974): Տնտեսագիտության մեջ այս հարցերին առնչվող մայրենի լեզվով գրականության ստեղծումը պետք է համարել ն. Թովմասյանի կարևոր վաստակը:

Մարքսիստական քաղաքատնտեսությունը անհրաժեշտ խորությամբ լուսարանելու նպատակով Թովմասյանը դասընթացի այդ բաժինը ներկայացրել է առանձին մենագրությամբ՝ «Հավելյալ արժեքի թևերի մարքսի տնտեսական ուսմունքի անկյունաքարն է» (1959):

Միջնադարյան հայ տնտեսագիտական մտքի պատմությունը ստեղծելու համար նախ անհրաժեշտ էր հաղթահարել գրաբարի իմացության հետ կապված դժվարությունները, առանց որի անհնար կլինեիր վերհանել միջնադարյան հայ մատենագրության տպագիր ու ձեռագիր ֆոնդերում եղած տնտեսագիտական մտքի գանձերը և դրանք մասնագիտորեն գնահատել: Թովմասյանի տրեւաշան աշխատանքի առաջին արդյունքները երևացին 1965 թ.՝ «Տնտեսագիտական ուսմունքների պատմություն» ուսումնական ձեռնարկի միջին դարերին նվիրված բաժնում: Այստեղ առաջին անգամ ուրվագծվում է հայ տնտեսագիտական մտքի պատմությունը V—XIV դդ.: Իսկ 1966 թ. լույս է տեսնում «Գրիգոր Տաթևացու սոցիալ-տնտեսագիտական հայացքները» մենագրությունը:

1968 թ. Թովմասյանը պաշտպանում է «Հայ սոցիալ-տնտեսագիտական միտքը IX—XIV դարերում» դոկտորական թեզը, որը կրճատումներով լույս է տեսնում 1970 թ.: Այդ նույն ժամանակաշրջանում պատրաստ էր նաև «Հայ տնտեսագիտական միտքը հետպատե-րադյան շրջանում» աշխատությունը, որը դեռևս մնում է ձեռագիր վիճակում: Անտիպ է նաև «Հայ տնտեսագիտական միտքը 150 տարում» 35 մամուլ ծավալով աշխատանքը: Այդ մենագրությունների հրատարակությունը ՀեՍՀ ԳԱ տնտեսագիտության ինստիտուտի կողմից կլրացնի հայ տնտեսագիտական մտքի պատմության մի շարք կարևոր շրջանների ուսումնասիրությունների գործը:

1973 թ. լույս է տեսնում ն. Թովմասյանի «Հայ սոցիալ-տնտեսագիտական միտքը V—VIII դարերում» երկատրությունը, իսկ 1976 թ. Մ. Գրիգորյանի հեղինակակցությամբ՝ «Հայ առն-տեսագիտական մտքի պատմության ուրվագծեր» ծավալուն մենագրությունը: Այս աշխատությունը ընդգրկում է խորհրդահայ տնտեսագիտական մտքի ձևավորման և զարգացման նախապատերազմյան շրջանը: 1982 թ. լույս է տեսնում «Սոցիալ-տնտեսագիտական միտքը Հայաստանում XV—XVIII դարերում» մենագրությունը:

Արևմտյան Հայաստանում հատկապես XIX դ. երկրորդ կեսին ստեղծվում է հոգևոր հարուստ մշակույթ: Այդ ժամանակաշրջանի անվանի հրապարակախոսների գրական ժառանգու-թյան մեջ բարձրացվում են երկրի տնտեսական ու քաղաքական կյանքի հետ կապված տնտեսագիտություն տեսական ու գործնական բնույթի բազմաթիվ հարցեր, որոնք հարուստ նյութ են պարունակում տնտեսագիտական մտքի պատմության ուսումնասիրության համար: Արևմտա-հայ մտավոր իրականության մեջ հայտնվում են քաղաքատնտեսության մի շարք դասագրքեր, տնտեսագիտական ուղղությունները բնութագրող հոդվածներ, որոնք բացառիկ նշանակություն ունեն հայ տնտեսագիտական մտքի պատմության համար՝ մանավանդ, Լթե հիշենք, որ արևելահայ հատվածում այդ կարգի աշխատություններ գրեթե չեն եղել: 1988 թ. ՀեՍՀ ԳԱ տնտեսագիտության ինստիտուտի քաղաքատնտեսության և տնտեսագիտական մտքի պատմության բաժինը լույս է ընծայեց «Հայ տնտեսագիտական մտքի պատմության ուրվագծեր» ծավալուն մենագրությունը (հեղինակներ՝ ն. Թովմասյան, Հ. Թամրազյան, Գ. Պապիկյան):

1985—89 թթ. Թովմասյանը ձեռնամուխ է լինում սփյուռքահայ տնտեսագիտական մտքի պատմության ուսումնասիրությանը: 1989 թ. կեսին տպագրության է ներկայացվել ամերիկա-հայ հրապարակախոս-տնտեսագետ Էլենո Մարտիրոսյանի սոցիալ-տնտեսագիտական հայացք-ների քննական վերլուծությունը՝ մենագրությունը (20 մամուլ ծավալով, Գ. Պապիկյանի հեղինակակցությամբ):

Մեծ է ն. Թովմասյանի վաստակը նաև տնտեսագիտության գիտամանկավարժական կադրերի պատրաստման բնագավառում: Ներկայումս հանրապետության միջին սերնդի դասախոս-ներ, գիտության բազմաթիվ թեկնածուներ ու դոկտորներ եղել են Թովմասյանի ուսանողներն ու ասպիրանտները: Թովմասյանի աշխատություններով, նրա թողած գիտական հարուստ ժառանգությամբ կրթվեն ու կդաստիարակվեն նորանոր սերունդներ:

Գ. Բ. ՊԱՊԻԿՅԱՆ

«Տնտեսագիտության թեկնածու»